

列聖御製  
二

詩宗

5241.49  
1122  
1814  
v.3

BERKELEY  
LIBRARY  
UNIVERSITY OF  
CALIFORNIA

卷二十二

Carpenters



列聖御製目錄

卷之四十

正宗大王詩

卷之四十一

正宗大王詩







列聖御製卷之四十

正宗大王

詩



辛亥春拜 宮歸路登楓溪北麓有座間多  
皓髮來歲又今樽之句其後歲以為例今又  
踐約拈同字以記之 甲寅

百尺臺高駐王龍滿城花氣一樽中更喜遊人多  
壽老官家餘慶與人同 與筵諸耆耆顏髮步履較  
前勝似下句及之用重臣

李敏輔言復  
申茗熟之令

內苑賞花釣魚

并小序

設閣既用天章故事每春與閣臣賞花昨

歲領相

洪樂性

請以齒與是筵許之仍與約

曰明年有意須更來是春季望閣臣會于

宙合樓展審御真予臨芙蓉亭召諸人及

其子若弟之曾與是遊者惟原任提學蔡

領樞

濟恭

原任直提學金判樞

憲

鄭致愚最

愚

民始姪

徐有聲

鼎修姪

南星耆

公轍姪

金明淳

祖淳從兄

李田秀

福源姪

潞秀

性源姪

趙鎮球

璫子初

與者也待教李存秀新除而與其父守禦

使文源其兄若弟在秀友秀奎秀與焉李



家煥李勉兢李益運承旨也吳泰曾鄭文  
始具得魯柳遠鳴史官也鄭昌順以藥院  
提舉金持默以壯營大將亦參焉又召領  
相與筵踐宿約也使其子義榮大榮姪世  
榮孫奭周扶腋以入韶顏華髮較前無損  
重喜祝慶祈永之日有此人瑞也遂與諸  
臣修花釣之遊酒行授簡予先賦一篇諸  
臣皆和之乃屬蔡元輔紀其實

此筵元氣會今日一家春花木重重合池塘濫濫  
新諸君皆地密微醉亦天真小棹齊乘興宮林待



月輪

夜登芙蓉亭小樓

并小序

是夜月明予謂諸臣曰原韻有宮林待月  
輪之句卿等泛舟太液可乎重臣李文源  
應聲升舟從之者十九人乃給玉笛壺酒  
沿洄于亭嶼之間紗籠三十對列樹池邊  
與花光月色上下輝映御芙蓉亭小樓以  
觀之列侍者閣臣六史官一其餘坐池岸  
樓上人與舟中人相語榮輔曰船中雖佳  
不如天上羣仙列侍香案勉兢曰春水船



如天上坐文源曰橋上人行樓上坐相看  
俱是畫圖中行恁曰舟中有酒否文源曰  
樽空矣不敢請予命以小艇載酒以繼之  
民始曰錦帆得意何時下岸文源曰此興  
何時已有防曰不可無我吟樓上舟中岸  
邊呼韻分軸應口相和須臾篇既圓鐫揭  
芙蓉亭眉

心臺花會又茲樓為是今春可樂遊此夜君臣同  
祝意萬年枝上月長留

壽長洲回甲

并小序

是歲重午前一日即長洲回睟而閤內花  
甲間五日又屆甚稀异也以詩識賀聞楸  
駕未旋乃馳牘山下持贈菲具竢返旆始  
冀瓊報仍要同堂羣戚侍聯和

緋衣星髮六旬翁鼓瑟中堂樂與同時回重睟偕  
德閤慶占來歲頌 慈宮華筵繞膝兒孫隊暮境

怡神水石叢外氏門闌完此福介眉新什遞郵筒

題贈判書金玘家宣賜大學卷首

并小序

萬曆壬寅贈判書金玘奉使朝 京蒙賜  
大學衍義一部至今珍藏於家而豔稱於



世先朝丙寅嘗聞其事取見其書而另  
賜芸閣本衍義一部以光大其榮寵則即  
夫一書之二本而匪風下泉之感親賢樂  
利之思於乎其不可忘矣此豈獨一人一  
家之私寶哉予於擎玩之餘特宣新印大  
學一部仍紀其故實如右以還之命選曹  
訪功之後補官夫大學者衍義之所由編  
而讀衍義者必先通大學然後寸由尺星  
由秤可以知本末而則近道矣繼述之義  
教學之序尚於此可徵謹又賡和 御製

詩韻書于卷首時予踐阼之十八年甲寅

仲秋也

風泉舊感仰雲漢歲換三寅

萬曆壬寅欽賜行義先朝丙寅又賜崇閣

本今甲寅賜新印大學此句及之

一篋中衍義源頭曾傳在欲明

明德聖凡同

皇帝登極六十年進賀上价判樞朴宗岳之

行喤示

十月星輶再踏燕平安行李似前年往參天子元

朝會歸趨我邦大慶筵

皇帝登極六十年進賀副价鄭大容之行喤



示

不見遼東廣馬知天下  
寬星輶今副价奎閣是仙  
官風雅須專對山河入壯觀  
明春釣魚會花事待君闌

賜領議政洪樂性

并小序  
○乙卯

領相小成回榜唱名於新榜放榜之日特  
賜花一枝仍命綾恩君具允明行先進事  
文而李弘稷武而池日輝司馬而權挺亦  
以回榜與焉真希世之人瑞也賦近體詩  
志喜

朝日曈曈繞禁垣簪花春暎錦筵樽一甲重回司  
馬榜萬祥爭湊濯龍門福星遍照中書久元老初  
兼上舍尊更有八旬人四館將來文武頌新元

華城將臺親閱城操有詩題于楣上

拱護斯為重經營不費勞城從平地迴臺倚遠天  
高萬堞規模壯三軍意氣豪大風歌一奏紅日在  
鱗袍

華城進饌日口占示與宴諸臣以寓萬年祝  
岡之誠

第祿穰穰迓命新鳳笙鸞吹駐青春地符觀華騰



三祝歲屆流虹躋六旬內外賓仍芳樹會東西班  
是勝花人年年只願如今日長樂堂中酒幾巡

洛南軒行養老宴七十者暨六十一歲者與  
焉拜用一坐再至之禮羣老將就位予為羣  
老興既升堂酒行三遍喟示羣老求和

鶴髮鳩筇簇後前海東和氣洛南筵願將羣老期  
頤壽拜獻 慈宮萬萬年

洗心臺步靈城韻

并小序

臺以洗心名托思而志舊也

事詳  
園展省錄

宮歲

輒一臨以為課此舉豈為偷閒傍人詎識

予心疇昔乙卯靈城詩句有云君歌我甯  
上雲臺李白桃紅萬樹開如此風光如此  
樂每年長醉太平杯是歲是臺誦其詩想  
其事哽咽無以為心所祈祝而欣慶者還  
自長樂奉壽之筵頌騰千歲萬歲茲步  
靈城韻命諸臣賡載

春日遲遲上北臺此行非是趁花開新詩更續觀

華曲萬歲長斟萬壽杯

彌勒峴為華城初界每歲省園還道至峴上瞻望

久之未便言旋府之人環石而臺其地今行見之名其臺曰遲遲起句及之慈宮幸華城進饌日

樂章有觀華曲下句亦及之



芙蓉亭賞花釣魚疊前韻

并小序

內苑賞花歲以為課而是歲之會與筵者  
特多焉識慶年而責休象也予御暎花堂

召諸臣入俞左揆彥鎬蔡右揆濟恭

並原任提

學

金判樞憲李判樞秉模

並原任提學

沈煥之

提學

徐有防

檢校直提學

徐龍輔鄭大容

並原任提學

李晚秀

檢校直閣

金勉柱尹行恁

並原任直閣

南公

轍

檢校直閣

徐有槩

檢校待敎

閣臣也徐有隣

有防兄弘

文提學

沈頤之

煥之弟守禦使

李時秀

故提學福源子戶曹

判書

蔡弘遠

濟恭子承旨

李儒慶

濟恭甥承旨

鄭尚

愚

原任提學民始姪應教

徐有聞

原任直提學鼎修從姪前校理

金

近淳

原任直閣祖淳族弟前校理

徐俊輔

有防子副司正

李田

秀

福源姪

俞漢寬漢宅

彥鎬姪

漢寔漢守

彥鎬從姪

蔡希恭倫恭

濟恭再從弟

弘定

濟恭從姪

弘進

濟恭再從弟

李儒尚

濟恭甥姪

趙鎮球

故提學璫子

金在明在

新在善

憲子

李魯益魯任

秉模子

鄭性愚

民始子

致愚取愚

民始姪

沈繼之

瘦之從弟

能性能愚

煥之

徐有本有樂有斐

原任直提學浩修子

鄭東晏

故直

提學志儉子

徐任輔

有防子

有聲有民

鼎修從姪

金載

琬

檢校直提學載瑣弟

徐應輔鳳輔

龍輔弟

鄭基翼

大容



子 基植

大容

金魯賢魯興

勉柱

尹應鉉

行

姪

閔章顯

行恁

南星考

公輟

沈應奎

承奎

原任待教  
象奎弟

皆閣臣之若兄若弟若子若姪

也蓋昔之祗及其兄弟子姪者今則推及

於從再從而予猶以為少焉洪元輔樂性

以齒爵歲輒與筵其子義榮

承

大榮姪世

榮孫奭周皆從焉直赴李始源以文學特

召之而其父敏輔

判敦

弟肇源

承

子鳳秀

鶴秀姪龍秀亦與焉予奉 慈駕還自奉

壽長樂之筵指授諸臣櫟栝簿書編為一

部徵遠之書與其事者閔鍾顯禮曹判書李家

煥工曹判書李益運前參判洪仁浩行副司直義浩李

相璜金熙朝丁若鏞並前承旨李錫夏前參理洪

秀晚兵曹正郎嚴耆修撰安廷善兵曹佐郎權駿副司果

曹錫中李勉昇柳遠鳴姜浚欽黃基天李

東萬並副司正在內閣編校亦並召入而是會

也閣臣主之故非閣臣者皆班于別行惟

始源特班之閣臣之下以示意焉史官吳

泰曾閣屬官朴齊家柳得恭李集箕成海

應李旭秀凡與筵九十八人皆乘內廐馬



以從由青陽門前東逶西迤賞花于望春  
亭尊德亭宣饌于太清門之內所至地為  
之窄既又射帙于春塘臺釣魚于芙蓉亭  
前池環池而張綸者匝池之廣袤焉夥哉  
此之謂與衆樂乎遂用洗心臺臺字韻賦  
一篇與逖者皆賡載之軸既滿復列其名  
于卷端俾覽者知是年是遊之意在於識  
慶賁休也

歲粧簪珮簇春臺酒氣花香錦帆開寄語諸臣家  
子弟平生能忘此筵杯

夜登芙蓉亭小樓復申甲寅詩令與舟中嶼  
中人分韻口呼

留與諸君飲居然月上竿莫如今夜好同此太平  
歡花暈千重樹燈張九曲欄金吾仍放夜和氣遍  
長安

挹清樓步板上韻二首

南出清樓意豁然杏花春酒大江前笑看多少迷  
津客盡日徊徨水一邊

右故領議政金壽興韻

牙檣錦帆盡圖間簫鼓中流任往還蘇子千秋先



獲我相逢有味是偷閒

右故大提學宋相琦韻

慈宮周甲誕辰奉觴上壽恭述志喜之誠  
與筵諸賓

吾東初有慶花甲萬年觴是日虹流屆如雲燕賀  
張含飴長樂殿被管老萊章觀華仍餘祝覃恩暨  
八方

北倉在北營後越數麓步輿登臨池閣有吟  
閣名東曰凝香西曰挹清

曲曲停輿意轉長北山臨眺漢之陽天時地利與

人和燕以千箱萬庾藏

題第一樓

第一江山第一樓挹清餘興又芳洲太倉米數誰  
料得博取今行意內籌

驢原任直提學李秉模赴燕

并小序

乾隆六十一年正朝傳位於嘉慶專价進

賀卿膺是行

中原方有事專對更勞卿福壽稀前牒傳禪受大  
名出疆仍熟路覘國最今行跋涉須珍重綏茲隔  
歲情



驢原任直提學徐有防赴燕

并小序

乾隆傳位於嘉慶卿為進賀副价是日受  
表咨啓行賦五言近體以賁之

星文動帝所冠蓋入幽燕使价詩三百華夷路四  
千風波憂畏際軒陛夢魂邊萬國新元會奎躔步  
武聯

綾恩君具允明四世同朝九耄懸車親臨宣

麻申以一詩

丙辰

生老升平九十年福星長照北辰邊華銜更許添  
三字好做清時地上仙

升一何日來省象設履茲濡露孺慕彌切還  
次華城關雨停驛夷猶適願坐且明發歷馬  
遲遲之臺行行路轉而陟岵之思耿然如結  
瞻望久之志感以一律

晨昏不盡慕此日又華城霖霖寢園雨徘徊齋

殿情若為三夜宿猶有七分成矯首遲遲路梧雲

望裏生昔年溫幸時駕過本府而服色例用軍服伊時有影幘草本而色逾不敢移摸

近未園幸服色之用軍服者亦此意而圖馬御真藏于園所齋殿以寓瞻依之思第六句及之

春仲朔日頒公卿近臣尺修中和節故事帶

詩以寵之



頒尺中和節紅泥下九重拱星依紫極繁黍叶黃  
鍾漢帝提三日陳君卧百容裁來五色線許爾補  
山龍

左揆揔理城華之役每歲拜園也軫其年  
高輒令先往後歸歸輒有詩詩輒盈軸徵其  
軸軸抽兩韻以還之四首

霜露桑鄉歲幾翻寸心無處答隆恩經營屹屹  
雉墉壯拱護重重象設尊萬戶橫臨湖右路三軍  
氣湧鎮南門人和此地予何力盛德猶傳昔幸

溫

右和長安門樓韻

樓櫓居然起山河  
頓與新多卿  
揔理力為我指揮  
神旗鼓超乘士  
閭閻樂業民  
厥田元上上  
䟽漑擬來春

右和迎華亭望見華城府治韻

皇皇瞿瞿更依依  
若覲如聞未忍歸  
岨矣高山天與宅  
恍然原廟月遊衣  
烟花袍笏羅千嶂  
鏐鑰金湯冠兩畿  
歷騁霸陵還有意  
城隍少駐六龍飛

右和駕巡洪範鳳鳥諸山夜還華

城行宮韻



新豐樓下路逶遲為誦南來北望詩長樂鐘聲知  
不遠那堪回首寢園辭

右和回鑾日韻

題南小營

駐蹕南營裏登臨一快哉天回兵氣肅地壓海光  
來竒正龍韜變縱橫虎壘開江樓餘興在元帥此  
高臺

贈突兀空蕩野主人歷覽狎鷗諸勝將向楓  
嶽之行

日長山下望清塵駟騎遙頒內劑珍暮歲懸車樞

五聖集卷之四十一  
密使春風繫纜廣陵津尋真轉向金剛入觀俗猶  
勝王節巡途起居宜慎護歸期須赴聽蜩辰

迎春軒奉觴志喜用洛南前韻

椒塗衍慶自光前綵舞重開獻壽筵軒敞迎春春  
不老恭將此會又年年

御摘文院恰過一旬次朱子詩韻要承候大  
臣閣臣和之仍許聯書揭楣

芸香開讌坐高閣轉深幽可愛三清勝仍成十日  
留豐年民事好佳節菊花酬志喜將今夜雲需更

卜遊



巡城至訪花隨柳亭射的以示尚武之意予  
適三獲內外使亦各如之第三句引周禮五  
射箋註以紀實

丁巳

歷遍春城日未斜小亭雲物轉晴佳鑾旂慣報參  
連妙萬柳陰中簇似花

和蔡左相華城丙辰軸韻三首

駐轡臺前路迢迢望華陰稻秔千畝闢桑柘萬家  
深已見城為鐵思聞俗讓金先王富教意一曲想  
薰琴

右遲遲臺望見華城韻

萬雉矯雲直雙虹駕水成  
勤勞衆御事經始子來  
誠天地規模遠山河體勢呈行行來眼界輦路大  
堤平

右洛南軒韻

江南都會還蹄輪春入新豐四海樽  
耒老閒亭如  
許好雙宵高燭更凝神

右夜遊韻

賜領議政洪樂性

并小序

卿位躋上台年至八耄親宣几杖于初開  
曹筵之堂公私之吉祥善事也詩以志慶



而識喜

集福外軒講後逖徠卿於此几筇宜春長升四中  
書考星合三千下釣年清燕倚高黃閣裏盡鳩扶  
出赤墀邊恭知 慈德難名處沁水觀津喜氣連

賜奉朝賀金鍾秀

并小序

聞卿作三釜行間經暑雨甚關念憑問起  
居髭髮勝昔傾嚮之餘豈勝欣釋昔錢若  
水拂衣遊華山羅倫夢見范文正而寄跡  
於山水烟霞之間此二子者謝事遊方外  
其年不過四十或六十至今為人所歎賞

况卿以稀有之齡客秋入金剛今夏訪鐵  
圓通計一歲三百有六十箇日巾車挈舟  
強半在名勝之境而寢暇無損節豈不异  
哉日長如年我思悠悠發之為詩要博一  
粲毋慳金王之音以為瓊琚之報

洛陽春社記前遊君子于今盡白頭綠野按閒金  
相國青山留約鐵圓州潛龍卧弄三淵雨飛鶴翻  
成萬壑秋蓮燭紅樓遲笑語更將詩句願言酬

曉次龍驤鳳翥亭

迎華官道大江南上有名樓鏡面涵萬舸龍驤成



紫陸十洲鸞鶴漾青嵐旗含宿霧增帆飽虹飲明  
河倚鼓酣極望遲遲臺近遠更教前驅不停騃

題陽川官閣

江漢秋濤匹練橫虹橋踏過萬蹄輕為看四野黃  
雲色一舍陽川少駐兵

敬題章陵齋室

往歲長陵謁德音恍若聆禮隆周廟饗慶驗  
漢亭銘藥水由天感高山效地靈洋洋陟降在  
秋日拜玄扃

金陵恭和先朝御製

記昔先王望八年宸章猶誦下江船今來郡閣攀遺墨孺慕依如昨日然

題金陵館

青烟萬竈宿豺獠蟹戶鹽邨一望悠匝地農謳渾四野中天月色最三秋港連揚子仍漕舶波湧金輪更水樓長夜抵年遲不發却聽歸鴈過江州

金陵掘浦橋

秋蹕開花大野來誰將淮泗注黃堆不須枉費夸娥力會看三湖水勢迴

富平府治晝停呼韻



桂陽山色極嬋娟  
百里秋登上上田  
民富政平斯可矣  
誰能更續武城絃

過仁川路中有吟  
命揭府衙使邑倅  
黃運祚書之

風旂獵獵海門迴  
秀色蘇來眼忽開  
君子峰高入指點  
儻非中有隱淪才

蘓來山有君子  
峯第三句及之

夜御安山衙軒

地勢盤如萬朶蓮  
尋常魚蟹不論錢  
生居最說安山好  
况復穰穰大有年

南陽路中

地以遺祠重山迴有卧龍大名垂宇內何處訪隆  
中微管人其左從周道遂東永清曾寄感英爽儼  
三忠

少駐南陽鷗浦

鷗渚敞行殿海門來秋色波動魚龍吟野曠禾稼  
積兵氣迷草樹人烟亘陌邨邨多嬉笑偃僂雜  
髭白雖愧仁政及喜茲安耕鑿齊王幸朝儻羽旄  
遵江曲漢帝感宵夢珠露下陵柏花山知幾許望  
望不盈尺士馬亦勞止欲抵華城夕

老來堂口占



老來堂裏好開顏  
苑榭重扁耒老閒  
恒居不敢言  
稱老竊比萊翁尚衣斑

安養撥舍書此命揭南充之富林軒

南充父老慣相迎  
九載之間幾此行  
車馬羽旄欣  
有色愧無仁術濟民生

始興縣齋

易知始興縣公館似林莊園  
擁楓松靚門臨稻黍  
香江山氣自好民物運方昌  
宿弊全蘇否咨而長吏良

和左議政蔡濟恭華城詩韻四首

畫櫓粉城意氣誇此中常見五雲遮高樓直聳爭  
秋色萬象俱明泛月華景物偏從今夜好山川元  
有四時佳庭松不妨遲遲長長繫清輪相國家

右東將臺中秋翫月韻

萬年堤上路遲日駐鑾聲吉慶輸金粟豐穰對玉  
杭幽風來午饁周旅聽新眠朋酒如春鮮爭將舞  
袖呈

右萬年堤觀稼韻

乘晴笳鼓上雲梯南北羣山入檻低高處始窮千  
里眼秋烟九點問青齊



三都推第一八達務懷來暫試經綸手旋求鎖鑰  
才樓依天宇迴城抱野門迴料理自深淺官樽聽  
醲醅

右八達門樓韻

贈奉朝賀金鍾秀俗離之行三首

并小序

客秋金剛之訪今春鐵圓之遊閱其老而  
喜其勇輒贈詩寄意以志卿髮短心長而  
日者俗離之行因行期之聞晚既失延討  
又闕詒詩念湖山數百里之遠極勞瞻往  
茲將醪甃走人山中付以三韻兼訊起居

節

金剛携酒鐵圍詩離俗之行又俗離滿道黃花秋  
意晚冥鴻天畔問歸期

聞說俗離山上泉依如石乳王漿然朝朝滿酌歸  
之肺知是人間綠髮仙

宦海風濤二十秋至今幽興伴沙鷗適來適去何  
須問且得湖山物外遊

社壇祈穀日和昌黎辛卯雪詩韻

并小序  
○戊午

躬詣社壇肅將祈穀祀事黍鼎若鐘鳴  
為大有之徵而屢驗如期時且既雨而雪



萬樹生花社雨報年豐有宋人之詩而昔  
昌黎製辛卯雪詩以紀豐兆其歲果斗米  
三錢至今傳以為奇事遂取辛年韻和之  
於辛日恭寓祝豐之誠又按月令春事之  
興輒祈農於戊元而今歲歲次戊午月屆  
元正第四亦云仍命諸享官賡之

方壇牲幣又年祈百福由来頌式幾辛後秋功徵  
社雨戊元春事肅齋衣天時欲占犁星出地脈先  
融瑞雪飛鼎響更如鐘感理心香一瓣繞深幃

和左議政蔡濟恭華城軸三韻

并小序

連歲華城之幸左揆輒有詩予每和之今  
春啓蹕戒在无妄三夜調將始於翼朝拜  
園其間為日雖無多幸仙寢之瞻依悵  
慈闈之離違欲詩以言志不但病未果焉  
蓋有待於左揆之起予及回鑾有所示遂  
步而還之云爾

調病夜夜漏壺傾明發瞿瞿不盡情始寓微誠  
園廟近旋將喜報殿宮呈餘寒曉入旌旂影協  
氣朝隨劒佩聲慈德無量覃一府生生嘉粒萬  
年更



迫觀橋邊路花風曉拂鞍農功將大有春色自長  
安行殿猶知穩戎袍却不寒城池如此好先務得

民歡

大有北屯之坪名長安北城之門名坪  
寓屢豐之義門由京師之路故三四云

一望梧雲萬疊深  
羹牆無處効誠忱碑陰水飯

遲遲發  
降格年年小子心

送提學沈煥之遊金剛

忽憶雲安聽酒濤金剛八月拂塵袍  
烟光知是蓬萊近秋色爭如海嶽高  
旌節黃公臺上鶴經綸任子釣邊鰲  
卿能認我宵衣夢輸得民情入彩毫

贈領府事洪樂性江亭之遊

并小序

宿來起居萬勝卿國之元老也福如郭令  
公壽如文潞公園林鐘鼓願養有年神彩  
比益滋潤步履比益康旺及秋高日佳從  
諸子童孫便興作江亭遊真稀有之盛事  
也遂命史官詢起居兼付一詩以為誇示  
來後之資仍要蔡判府賡之判府明年是

八十第八云

卿之從叔文衡亦耆巨與卿  
家族祖奉朝賀共和詩中既

言域西老則東洛  
老亦許賡載為可

人瑞編中最上頭好將洪福賁皇疇韶顏白髮遲  
遲日丹木黃花濫濫秋平地神仙添海屋晚天絲



管開江樓更看八十城西老車馬應從綠野遊

題黔巖撥舍

并小序

曉戒輿衛將拜于敬陵昌陵少駐黔

巖恭瞻紀蹟之碑愴慕彌新况是日即我先大王御極之日也遇是日於是地益切曲阜烏號之感而真遊已遠弓劍莫攀遂拈仁字庸寓不洎之微忱時予小子踐阼之二十二年戊午之仲秋二十有九日也

黔巖紀聖蹟皇矣我寧人義馭潛時事齊牛

問處仁顯揚追舊甲

光御感依辰  
芟舍懷明發

羹牆永慕新

駕臨訓鍊院書之

萬馬齊嘶細柳烟  
盡欄東頭入瑤躔  
徐行劒槊飛騰際  
高坐雲龍動盪邊  
豪傑不生天下大  
山河長鞏海東全  
三營介冑雄如虎  
爭出燕然勒石前

用上梁六偉韻又題六首

二首見別編

鍊戎高閣鎮城東  
闔風雲指顧中  
寄語桓桓諸將士  
須看三箭破心紅

秋色蒼然若木西  
萬家烟樹盡中迷  
坐來高處元



如許泰岳嵩山一望低

碧瓦平臨紫閣南  
南山佳氣聳層嵐  
鳴弓試劍皆從此  
手取金壇上將銜

回憶元龍百尺上  
瞳瞳朝日繞金帳  
兵家奇正何須論  
直送長風捲海浪

輦過壯義洞  
召見里中人  
即述舊之一道  
今日亦如之  
申諭後約將還  
噙示祇送諸人

榆社東頭駐輦遲  
村村懽笑話前期  
瓊英勝似花  
千樹聽雪梁園授簡時

來此必一踐心臺多值花  
辰今行適大雪未果為第

二三句  
及之

題手圈諸書

并小序

經而三禮史而兩京子而五子集而八家  
陸稿既批而圈既圈而鈔遂成一帙其詳  
在義例因書七言十韻排律以識之

萬幾餘暇講聲長閱歷穰穰祕府藏月窟天根來  
往計姬情孔思點勺方內家筆札紆文墨上世弦  
匏記后蒼篇帙縱橫名手圈權衡次第整書綱卜  
年八百周官制載籍三千戴禮場二子程朱傳道  
統兩京班馬盛文章千朝工課猶經史乙夜精神  
更縹緗遂到鹿門張鼓吹恍看牛坵匝衣裳從知



直諫先推陸自是宗臣蓋有唐刪述祇要存聖軌  
源頭一畫跡羲皇

題汶上精舍

城東十里好盤桓窈窕村容碧樹灣汶水知為齊  
魯半任他篁韻不須攀

書揭故相金鍾秀家廟

己未

記昔新元闢草萊日長山下碩人迴可憐蕩蕩空  
空墅不復春光入酒杯

題會心老人家狀

并小序

北山有洗心臺先卿之會予心實由茲臺

之酒所而所以會心者始於不欺心三字  
今覽家狀不覺起感倣諫文之體以歸之

書下子原任  
直閣李始源

八旬年自不欺心會我靈臺遂曠襟賴有瀧阡新  
筆力耿然猶想北山臨

贈鐵甕府伯徐滢修

萬丈霞標鐵甕城城門高闢使君程江東不遠成  
都近熟路輕車送此行

贈進賀副使徐滢修

八月星槎鴨水灣十行遙寄紫泥頒燕中多少芸



香肆帶得朱書幾種還

批選杜陸詩咍示二直學

唐宋文章几案間縱橫青批好開顏浣花溪畔多  
春興分與紅塵醉夢閒

將拜 獻陵曉次舟橋步戊子前韻以志感

懷二首

鑾蹕秋晴鷺水湄滿江濡露想前時依然戊子春  
三月十里船開七字詩

羽林旗鼓匝青烟龍鳳津樓月上天却憶廣陵春  
水外回瞻梧岫彩雲邊燈光歷歷江聲動兵氣森

森野色連漢渡東南松柏永此時孺慕更多前

敬題

獻陵齋室

并小序

小子於戊子春陪

先朝展謁

本陵恭

賦一詩以紀其事今於三十二年之後踐

位行禮孺慕彌新謹次前韻以識之且按

伊時

聖製之題揭齋室者

聖教若曰

今日大小臣僚仰體

祖宗盛德滌舊心

於廣津輔我暮年隨後者誰惟我

先朝

五紀建極全保世臣歛時五福綏厥萬世

率皆仰述

本陵開創守成之豐功大業



而十行雲漢之篇乃在於 親祭 本陵  
之目則丕顯丕承之謨烈尚可以仰認於  
出戶周旋之時矣茲於五六敢頌 聖德  
之光前垂後而仍告有位俾各一乃心率  
乃職無偏無黨無從匪彛偕之大道同我  
太平書曰惟予一人膺受多福此我 聖  
祖所以燕翼我子孫千億懋昭常訓者也  
時予小子即阼二十有三年之己未仲秋  
地自鍾山漢水行真龍體勢大經營禮三十載今  
朝又基八千年宿夜聲薄海豐功仍本本承天大

德曰生生周旋僂僂於何覲瑞日秋天萬里清

過采露亭志感

并小序

亭在華城即故領相文肅公蔡濟恭別業  
也亭以采露名蓋有意也每當園幸輒  
獻詩章既和其韻又送殽核歲以為常今  
秋之幸其人不可復見矣路次回顧悵然  
者久之文肅與孝安洪相國為國中元老  
且憶洪相之輒於駕回時迎於宅外路左  
結句及之仍用進退格

朝日迎華路清秋采露亭風雲千里色松菊十年



情返駕詩聯韻行厨酒送饗同時二老在壽考際  
昇平

題故知敦寧曹允亨家頒賜春秋卷首

并小序

嘗就春秋以大字書經文下附左氏傳如  
紫陽綱目之法仍命文忠公曹漢英之孫  
知敦寧允亨忠烈公黃一皓之孫敦寧都  
正運祚並書各編為一部不徒取其筆也  
取家聲也書既刊知敦寧逝矣撫卷興感  
遂題一詩於卷首以脩其廟云

聖人筆法此麟經吾道東來揭日星大字特書新

有例文忠孫子汗幾青

賜冬至書狀官具得魯三首

一首見別編

翩然誰昔故人知坐閱滄桑幾許移一任狂瀾迷  
獸圈祇看華月在龍池心無不契虛襟夜舌到難  
言對冊時瘴海十年猶樂土晚來車馬有前期  
念昔數十年前世道民志無可言者乃祖故判書超然  
自拔於衆楚之中初見銅龍之席而風雲已融然  
相合矣每當入對對輒欣瀉畫而竟漏夜亦跋燭  
纒纒其言言無不罄往往有人所不敢言中間風  
波憂畏雖不堪其苦而九重千里靈犀相通至今  
追思眉眼在心蒼葭白露溯洄伊人而嗟不可復  
見矣茲於送別之章先言疇  
曩之勝蓋有微意存焉耳

今爾前程萬里如麒麟擅豈馬牛裾勉旃日後子



孫計率乃家中父祖餘士類由來名教地心期自  
是聖賢書須將我語趨庭問知有原明可起予乃祖  
夙從士類乎遊曠襟疎韻有非脂韋氣味書狀年  
妙發軔風姿也不草草若以乃祖之心為心其於  
邇遠之事何有哉聞乃父甚肖嘗  
所嘉之乃於結句又比申申云

春秋完讀日

慈宮設饌識喜吟示諸臣

并小

序

予於三餘輒課一帙之書歲以為常而手  
選諸書必印頒中外蓋亦振文風矯俗習  
之苦心也書既頒躬先誦習為一世準乙  
卯新印朱書百選而十月二十八日始讀

再翼月十有六日完讀凡四十有九日丙  
辰新印五經百篇十一月十一日始讀翼  
月初八日完讀凡二十有八日丁巳新印  
史記英選十月初八日始讀再翼月二十  
七日完讀凡八十日戊午新印八子百選  
十一月初吉始讀翼月十五日完讀凡四  
十有五日己未新印春秋新印以前讀數  
回十一月十八日更讀十二月初八日完  
讀凡二十日左氏史也雖近於朱子所謂  
千里一曲致慨於明招堂上而先經後傳



吾有吾心之春秋矣於是乎予印予讀已  
告功自明年有新印當如右為例顧精力  
未能如宿踐也記昔幼少時讀完一帙

慈宮輒設小饌以識喜俗所稱冊施時之  
禮是也朱子以長子受之送學於東萊而  
付送一角之茶三十觔即此意也今日以  
有事輒聞之義告慈宮以春秋之完讀  
慈宮視小子若幼少時略備酒餅如村樣  
遂與監印懸讀諸人共嘗之戲是綵衣老  
萊之所以悅母也喜動簾幃紫陽之所以

壽母也既獻岡陵祝于慈宮因書此要

與諸人和

侍食諸君子能知此會歟伊吾完一帙工課殿三  
餘每夜光明燭今年左氏書慈心識喜事策舞  
九詩如

列聖御製卷之四十



列聖御製卷之四十一

正宗大王

詩

賜知中樞洪緯浩

并小序  
庚申

永安都尉玄孫知中樞洪緯浩今年為九  
旬有二老職資至一品特除知樞於其肅  
拜也用一坐再至之禮與其子戶議洪樂  
恒登筵戶議年亦七十三歲也德門多耆  
耆即亦慈德攸致詩以志其吉祥

老人星見斗之南晚得兒年七十三朝拜龍樓仍

獻祝冊儲今日壽多男

社壇祈穀日嗟示諸臣

并小序

正月七十二候之始也元日三百六旬之初也七而為人八而為穀穀者人之司命也穀日得辛肅將祈年致齋於人日而瑞雪隨輦嘗見柳應芳詩曰人日逢晴勝不晴雪亦嘉遂和其韻以志喜

穀日仍祈穀人逢七日嘉知今年大有壇木雪生花

拜 園告喜還御奉壽堂用乙卯永興 本



宮志慶韻題長樂東楯時庚申上元後二日  
周家三善漢重离遂續生民下武詩禮 廟殿宮  
承駿命慶千萬億受鴻祺今行欲報无疆喜此日  
難為不洎思明發華城回首遠遲遲臺上又遲遲  
北苑齋夕吟示諸臣

并小序

后山詩大家也古體也豈可以讓於簡齋  
少之哉齋居苑舍架上適有舊藏陳氏集  
抽出一韻之有似乎即景者命內閣銀臺  
隨來諸臣和之取其軸覽已仍用其韻漫  
書以還之

風泉三月夜春雪盡堂深動盪魚龍氣句萌草木  
心齋居仍感慨時序自晴陰魯國存周禮歌詩頌  
伯禽

御春塘臺設人日製有吟

并小序

庚申春設科取士所以志慶也初試分三  
所一所為南宮而通樞府至于光化門外  
遂及京兆前路布以為城赴舉者三萬二  
千五百九十八人呈券者為一萬三千七  
百三十有七二所為太學之丕闡堂至大  
成殿門外及于香橋赴舉者三萬九千八



百七十人呈券者為一萬五百二十三所  
為明倫堂至于食堂之橋遂及碧松亭并  
用布城如右赴舉者三萬九千三百七十  
人呈券者為一萬四千三百五十有七合  
三所赴舉十一萬一千八百三十八人呈  
券三萬八千六百十四自試圍以來觀光  
之多未有如此者人製即初試之翌日也  
設場於春塘臺自觀德亭至觀豐閣赴舉  
者十萬三千五百七十九人呈券者為三  
萬二千八百八十有四矣京二千二百十

一京畿三千五百八十六海西三千一百  
十一關西三千一百七十三湖西六千九  
十六關東一千二十五湖南四千七百嶺  
南五千二百三十一北關如關東華城三  
百六十八廣州三百五十六松都二百十  
江都九十濟州三不書居住者七百六十  
有六可謂壯矣以鎬京辟廂自西自東自  
南自北揭賦題將於京鄉取壯元各一人  
賜第其次三下一百人付初試京十畿十  
海西關西各八湖西十一關東七湖南嶺



南各十一北關八華城五廣州松都江都  
各三濟州二又其次次上各人施賞排比  
京鄉如三下之例惟濟州減一華城加一  
而考券拆榜之先海西關西湖西次關東  
次湖南嶺南次北關者用詩經本章所喻  
遂拈人字以賦之

春臺物物揔陽春南北東西利用賓如海廣庭三  
萬券阿誰忠孝壯元人

領議政李秉模奏請之行有詩二首

春月冊儲禮嘉辰奏請行藉卿元輔重侈我使華

名三百詩專對公私喜與榮言還似言邁穩穩趁  
秋清

燕京萬里路輶牽又三膏鶴野花連旆鳳城柳拂  
袍節宣知努力奔奏仗賢勞執王因邦慶熙運幸  
今遭

謹和朱夫子詩八首

春日原韻

勝日尋芳泗水濱無邊風物一時新  
等閒識得

春風面萬紫千紅  
總是春

熊禾曰物理之表裏精粗無不到

瑤琴携過玉溪濱  
樂意相關鳥語新  
栗芽頭涵



理妙渾然三十六宮春

觀書有感原韻

昨夜江邊春水生  
鰲衝巨艦一毛輕  
向來枉費

推移力  
此日中流自在行  
熊禾曰義理熟時知自致而自然好

庭前竹樹太疑生  
一羽輿薪孰重輕  
道不遠人人

自遠回頭是岸  
岸頭行

寄胡籍溪原韻

壅牖前頭翠作屏  
晚來相對靜儀形  
浮雲一任

閒舒卷  
萬古青山只麼青  
熊禾曰誠意者有主宰而通動靜

王鎬金關一疊屏  
主翁閒坐視無形  
春來物物皆

生色取次牛山草樹青

武夷櫂歌第四曲原韻

四曲東西兩石巖巖花垂露碧甃甃金雞呌罷

無人見月滿空山水滿潭

熊禾曰正心只是無昏昧散亂

幾曲清溪幾曲巖花盈盈處柳甃甃朗然魚鳥披

襟久直到雲光瀉碧潭

入瑞巖道間原韻

清溪流過碧山頭空水澄鮮一色秋隔斷紅塵

三十里白雲黃葉共悠悠

熊禾曰審其幾而無五辟則身自修

伯鐵王金好點頭三皇五帝一春秋審却幾微從



此路萬山紅樹興悠悠

壽母生朝原韻

敬為生朝舉一觴短歌歌罷意偏長願言壽考

宜孫子綠鬢朱顏樂未央

熊禾曰齊家之本在父母其順

萱堂和氣捧瑤觴觴挹南山獻壽長祇願年年如此好遲遲春日殿中央

蔡氏婦家原韻

葱湯麥飯兩相宜葱養丹田麥療飢莫道此中

滋味薄前村猶有未炊時

熊禾曰文王視民如傷而無東餒

一風一雨與農宜上瑞黎民不阻飢部屋生涯如

在眼晦翁葱麥幾多時

石廩峰原韻

七十二峰都挿天一峰石廩舊名傳家家有廩

高如許大好人間快活年

熊禾曰民富則禮義措而天下平

漢陽三角際青天露積峰如石廩傳積廩四方謠

笑裏立春新帖願豐年

金弘道工於畫者知其名久矣三十年前圖真自足

凡屬繪事皆使弘道主之畫師例於歲初有帖畫寫進之規今年弘道以熊勿軒所註朱夫子詩畫

為八幅屏風深得聚星亭餘意既書原韻附寫和章以為常目之資云爾

積雨新晴吟示諸臣

并小序

積雨新晴雲開萬里對此欣然若可以濯



塵垢而淨俗陋也數昨臨筵洞言矯俗不  
率教之弊固知欲革心者欲暴而無以自  
致欲革面者欲改而迷於其方狃於見聞  
者懦則怯頑則忍而雖覺有先後終當歸  
於一軌顧靜坐默想其喙喙聒聒之狀好  
供一噓比之曩也縮稜藏鱗如睡若眠之  
時以吾日飲赤水幾鉢黃連幾貼之熱肺  
煩腔差覺有爽意以一詩記之

長安大道平如砥積雨新開長安市飛空銀索十  
日圓一注鴈宕千丈水溟渤動盪魚龍窟江漢蒼

潸牛馬渚西風夕撼大塊來空濶炎雲九萬里使  
我披襟芙蓉殿洞庭君山不盈視紛紛倚伏春明  
外珂馬旖旎誰家子九門御路當中出揭我明命  
而顧譏天人一理新氣色赧然以笑充然喜未央  
宮陳斬蛇劍塗山車載防風氏春王正月大一統  
天下同文與同軌湯以解網不用命詩曰邦畿民  
所止婉婉欲伏轅下駒角角自鳴山上雉須看皇  
極康而色敢爾千樹爭紅紫蓋聞修道之謂教禮  
樂刑政而已矣

聯句



書筵頒貢果謹步 文廟聖製橘詩又與賓

僚聯句

甲午

厥包遙自漢挈鄉金帕封來一色黃香頒璧水周  
髦造味薦茅宮舜思長

賓客徐命膺春坊李鎮衡李崇祐

缺

吳載

紹賡進

臘享日齋居與筵臣聯句

癸卯

夙戒龍旂大糒承三白先占大有徵

弘文提學徐有隣提管洪良浩金尚集閣  
臣徐有防鄭志儉金熹李崑秀尹行恁承

分聖後集卷之四  
旨朴祐源沈豐之李時秀賡進

德水川駐蹕與大臣閣臣承旨聯句畿伯以

導駕來迎亦與焉

甲辰

駐馬黔巖路聯成五字詩

判府事徐命善提學金鍾秀吳載純檢校

直提學徐浩修直提學鄭志儉檢校直提

學徐有防直提學朴祐源原任直閣

缺金

載瓚檢校直閣徐龍輔

缺

檢校待教李崑

秀尹行恁承旨宋載經李時秀趙興鎮權

儼京畿監司沈順之賡進



雪夜召對王堂官聯句

簾頭瑞雪集縱橫均著高低大地平授簡梁園真  
即事不妨蓮燭坐深更

承旨洪仁浩李兢淵王堂李鼎運尹序東  
閣臣李崑秀賡進

東二樓聯句

乙巳

齋宵肅穆月盈盈好與諸君樂太平

提學吳載純檢校直提學鄭民始直提學  
朴祐源檢校直閣徐鼎修原任直閣金載  
瓚徐龍輔檢校直閣缺檢校待教尹行恁

弘文提學徐有隣賡進

內閣聯句

并小序  
○丙午

是日御擣文院親試抄啓文臣仍設三製  
于院門外夜與閣臣聯句徐判府事兩文  
任兩副學亦與焉二提學直閣新叨閣銜  
下句及之

宮搏咫尺永今宵嘉賓添爾兩仙僚

在筵諸臣判府事徐命善提學趙璫原任  
直提學徐浩修直提學朴祐源原任直閣  
李秉模徐鼎修直閣鄭大容待教李崑秀



檢校待教尹行恁弘文提學徐有隣藝文  
提學李命植原任副提學沈豐之趙尚鎮  
賡進

便殿召見泮製被抄諸生賜賞物有差饋之  
酒時穀雨霏微春意藹然以春雨瓊林讌綠  
袍為題仍拈春字與諸生及在筵者聯韻壬子  
養來元氣一家春樽酒論文又見真讀書方可為  
時用宰相皆從此會人

在筵諸臣檢校直閣李晚秀徐榮輔待教  
徐有渠承旨趙尚鎮閔台赫趙衍德申耆

李百亨史官洪樂游徐有聞趙台榮鄭尚  
愚令申在維郡守朴知源前縣監俞漢純  
前教官李潤衡生負韓啓重黃基天李箕  
采徐有望進士李義翼申頤朝安光字任  
希復趙道字李翼柳遠鳴崔光泰吳泰曾  
安錫良幼學李愚在洪樂浚朴宗山呂龜  
永金思玄許明李觀九洪俊榮李是鉀李  
德敏李志淵閔景疎朴宗履申夔朝金思  
青權中倫李基任賡進

上林賞花釣魚聯句

并小序



三月庚寅欲修宋天章閣賞花釣魚故事  
廼召閣臣及其子若弟提學吳載純檢校  
直提學徐浩修原任直提學李秉模朴祐  
源原任直閣徐龍輔尹行恁檢校直閣徐  
榮輔待教徐有渠載純子淵常浩修子有  
本有樂有槩秉模子魯益魯豐魯任祐源  
子宗瑜龍輔弟應輔鳳輔榮輔弟畊輔提  
學鄭民始姪尚愚原任直提學徐有防子  
俊輔任輔故直提學鄭志儉子東晏原任  
待教沈象奎弟應奎新恩南公轍凡二十

有七人唯公轍以予師文清之子與焉遂  
賞花于籠山亭釣魚于水澤齋既而御春  
塘臺射帙宣以酒饌分韻聯句以識其樂  
閣臣予所優禮也故推及其子弟以家人  
視之惟茲之會匪直曰以永今日凡登斯  
筵者咸懋乃德與國同休偕我元子於斯  
燕敖萬子孫無斁其將自今伊始又書此  
以介之

內苑歌魚藻前池有鳳毛一席渾和氣家人視爾

曹



謁 光陵途中拈韻脉隨駕大臣閣臣卿宰  
承史諸臣聯句

地勢尊嚴天共大萬年洪業啓无疆

在筵諸臣左議政蔡濟恭判府事朴宗岳  
檢校提學吳載純檢校直提學徐有防原  
任直提學李秉模原任直閣徐鼎修檢校  
直閣徐龍輔尹行恁徐榮輔南公轍檢校  
待教金祖淳承旨洪明浩李得濟李祖承  
洪義榮李文會史官李海清金履載徐有  
聞林景鎮揔管閔鍾顯曹允大李東郁昌

城尉黃仁點弘文提學徐有隣行司直金  
履素李敏輔左參贊金華鎮判敦寧李灋  
工曹判書鄭昌順禮曹判書鄭好仁刑曹  
判書沈頤之戶曹判書趙鼎鎮漢城判尹  
金文淳吏曹參判李秉鼎刑曹參判李在  
學大司憲李鼎揆行副司直沈煥之朴天  
衡吏曹參議徐邁修前承旨林濟遠李家  
煥金孝建李冕膺兵曹參知俞漢謨大司  
諫柳烱校理金熙朝持平金羲淳副司果  
金達淳開城留守丁範祖廣州府尹沈晉



賢楊州牧使李敏采賡進

御春塘臺試抄啓文臣製射自集春門召泮  
儒設朝食堂命題試取拈東字韻使在筵諸  
臣聯句每拈一韻應韻而對隨賦隨書軸既  
滿予遂占一句以完之命閣臣揭板于摛文  
院

爾曹共醉昇平象坐領池頭萬樹楓

在筵諸臣檢校直提學徐有防原任直提  
學李秉模檢校直提學朴祐源原任直閣  
徐龍輔尹行恁檢校直閣徐榮輔南公轍

檢校待教金祖淳承旨金翰東史官李海  
清弘文提學徐有隣新舊選抄啓文臣曹  
允大李翼晉李錫夏金熙朝宋祥濂李相  
璜申淑沈奎魯徐有聞尹寅基沈能迪金  
羲淳安廷善申星模宋知濂李羲甲鄭魯  
榮韓用鐸嚴耆金達淳洪秀晚尹行直金  
熙華李弘達權倚沈鑒閔致載直講金禧  
變賡進

內苑聯句

并小序

是日御春臺試文製武陣攷課畫定等次



時冬候栗烈雪花微飄命應試武臣持槍  
燔雉於前蓋自列朝每歲臘必一行之  
至今以為常昔則有鷹師供雉也親射小  
的掌革使閣臣承史文臣之善射者及將  
臣陪射仍宣饌與之聯韻以識其事

文武皆吾穀君臣共一庖

在廷諸臣檢校提學吳載純檢校直提學  
李秉模原任直提學朴祐源原任直閣徐  
鼎修尹行恁檢校直閣徐榮輔南公轍承  
旨金孝建尹理相李書九李益運史官徐

有聞李海清訓練大將徐有大禁衛大將  
李漢豐抄啓文臣金義淳安廷善崔壁申  
星模宋知濂李義甲鄭魯榮韓用鐸嚴耆  
洪秀晚朴宗京李弘達閔致載賡進

祗謁 元陵拈韻命陪享諸臣足成聯句之  
體所以識是年是月感慕之懷也

癸丑

孺慕偏增此歲來况逢今月拜 陵廻

陪享諸臣領議政洪樂性領府事蔡濟恭  
判府事金鍾秀朴宗岳右議政金憲提學  
鄭民始檢校直提學徐有防徐鼎修原任



直閣徐龍輔尹行恁檢校直閣南公轍直  
閣金祖淳承旨徐邁修洪仁浩金履成俞  
漢寧史官徐有聞洪樂游禮曹判書閔鍾  
顯王堂李東稷鄭尚愚尹致性賡進

季秋試抄啓文臣製射得陽字拈句使在筵  
諸臣聯進

盈盈天氣過重陽紅木黃花錦繡粧

在筵諸臣提學鄭民始檢校直提學徐有  
防徐鼎修原任直閣尹行恁檢校直閣南  
公轍金祖淳承旨洪明浩金履成李冕膺

史官洪樂游守禦使李文源壯勇大將金  
持默訓練大將趙心泰新舊選抄啓文臣  
李勉兢李翼晉金啓洛李錫夏金熙朝李  
儒修韓致應宋祥濂安廷善沈奎魯徐有  
聞申星模宋知濂朴鍾淳韓用鐸洪秀晚  
朴宗京尹行直尹持訥金熙華李弘達韓  
耆裕沈鑿閔致載李肇源林景鎮賡進

御定人瑞錄進箋日聯句

并小序  
○甲寅

人瑞錄之印進也予與元子親受于便殿  
盖倣周禮有司獻民數於王王再拜受之



之禮也凡民且然况高年之為三王所同  
尊也乎又况恩推於 殿宮而事曠於簡  
策也乎是日也時維菊月戊申而予生朝  
之越三日也天氣清朗化景淨妍耆耋臣  
與於校閱者二十人各以其子孫曾玄扶  
將而入引翼偃僂濟濟蹌蹌甚盛觀也禮  
既成予與元子引諸耆耋臨見之且勞而  
告之曰今日之禮祝慶也祈永也而敬老  
貴老之義亦寓焉咨乃耆耋諸老長涵仁  
庥同樂太平綏挈羣齒之億千萬齡祗獻

我 殿宮暨予若元子俾我東土為華胥  
為壽域也於是諸臣皆呼千歲頃之 慈  
宮宣饌壽觴交舉渥顏華髮輝映樽俎而  
又以其餘逮於幼少莫不歌既醉之詩頌  
湛露之恩及退則簪花詫榮雅樂填街觀  
者嘖嘖往往有私自圖繪者予謂是舉之  
不可無識也先拈一韻以唱之與筵者皆  
賡聯之而耆臣賦古體陞殿侍衛諸臣賦  
近體哀成一帖命之曰人瑞聯韻詩

南極雙輝寶婺昌錫敷人瑞頌重光



耆臣領議政洪樂性領府事蔡濟恭綾恩  
君具允明判府事李命植知事李敏輔行  
司直洪櫓判府事洪良浩判敦寧金持默  
行司直趙瓊知事邊得讓左參贊洪秀輔  
行副司直金尚集漢城判尹申思運行副  
司直鄭存中申應顯知事韓光縈工曹判  
書柳戇樂性子前參判義榮前典簿大榮  
從子幼學世榮孫幼學奭周童蒙古周耆  
周外孫幼學金履祐濟恭子司僕寺正弘  
遠甥姪前承旨李儒慶允明子兵曹判書

庠從子知敦寧廩幼學庠孫 昌陵參奉  
悌元從孫幼學陽元曾孫權知承文院副  
正字得魯幼學哲魯玄孫童蒙玄壽命植  
子開城留守冕膺幼學晚膺顯膺敏輔子  
前正郎始源應教肇源孫幼學龍秀鳳秀  
鶴秀童蒙驥秀彭鐵櫨子沔川郡守大應  
兵曹正郎大協進士大衡孫幼學疇從孫  
童蒙維城外孫幼學朴齊顯朴齊華李止  
淵李致淵童蒙李永壽良浩弟前參判明  
浩子權知承文院副正字樂浚從子前校



理樂游孫幼學祖榮錫榮甥姪前應教鄭  
東榦外孫幼學李源成持默子谷山府使  
基厚從子幼學基胤基常基拓孫童蒙宅  
善從孫參奉宗善瓊從子司僕僉正鎮奎  
幼學鎮翊孫前正言得永幼學徹永得讓  
子幼學相岳孫童蒙曾吉秀輔子前大司  
諫仁浩承旨義浩孫童蒙初陽尚集子幼  
學裕鎮孫幼學啓永甥姪進士李儒壽外  
孫童蒙朴鳳慶思運孫幼學光訓從孫幼  
學光謹存中子前參奉文綏孫幼學世祐

世禎甥姪幼學李先憲光縈子權知承文  
院副正字耆裕從子司僕判官大裕顯  
陵令弘裕幼學通裕孫幼學用錡從孫幼  
學用鐸用鉉用鍵甥姪幼學尹恒鎮韞子  
幼學鼎養從孫宗廟署令謚外孫童蒙  
李祖植金炳益李憲述李奎植陞殿侍衛  
諸臣檢校直提學徐有防原任直提學徐  
鼎修檢校直提學金載瓚直提學徐龍輔  
鄭大容原任直閣尹行恁檢校直閣徐榮  
輔承旨沈煥之沈晉賢金履成李羽晉洪



義浩史官吳泰曾具得魯徐俊輔別雲劒  
鄭昌順鄭好仁李埒兵曹參判徐邁修參  
議俞漢寧讀箋官李相璜通禮李廷顯展  
箋官崔光泰權駿賡進

定陵八回甲攝享日聯句

并小序  
○乙卯

桓廟誕降八回甲乙卯春遣大臣攝行酌  
獻禮于 定陵前二日先告事由于咸興  
本宮是日齋宿摛文院以星臨華渚為題  
試多士拈基字聯韻以識長發其祥啓佑  
萬年之慶

靈麻長發是年基恭薦周家漆沮詩

賡載者二十有九人沈煥之徐有防徐龍  
輔李晚秀尹行恁南公轍徐有槩閣臣也  
趙尚鎮李益運任希存蔡弘遠李肇源承  
旨也吳泰曾柳遠鳴徐俊輔具得魯史官  
也左議政俞彥鎬行副司直李儒慶兵曹  
參知吳泰賢司僕正尹光普副修撰金熙  
采考官也領議政洪樂性以其孫奭周之  
純通登第宣召與筵右議政蔡濟恭領敦  
寧金履素判府事李秉模行司直沈頤之



戶曹判書李時秀未與筵而追賡判府事  
金憲是日告由祭獻官也傳驛寄韻使之  
賡進生負金處巖是日應製三試居魁者  
也特賜及第賡進尾聯

永興本宮躋享日聯句

并小序

桓祖大王 懿惠王后躋享于永興 本  
宮遣大臣宗伯行禮是歲乙卯四月十八  
日子時先行殿內修理告由祭 第二室  
移安二十一日子時還安卯時 第一室  
位版造成二十六日丑時奉安後行大祭

各於祭夜祇詣 景慕宮齋宿奉安日與  
陪從諸臣聯韻以伸慶幸之誠

八回寶甲河清期三炷心香漏徹時

賡載諸臣領議政洪樂性左議政俞彥鎬  
右議政蔡濟恭領府事金憲提學沈煥之  
檢校直提學徐有防原任直提學徐龍輔  
檢校直閣李晚秀金勉柱原任直閣尹行  
恁檢校直閣南公轍直閣李始源檢校待  
教徐有槩承旨洪義榮任希存俞漢寧李  
肇源蔡弘遠史官趙台榮鄭文始具得魯



吳泰曾弘文提學徐有隣知事李敏輔別  
雲劒沈頤之尹著東李時秀鄭好仁藝文  
提學李秉鼎兵曹參判趙鎮寬揔管鄭存  
中柳炯申光履權恢判敦寧金持默兵曹  
參議崔守魯參知沈鏗佐郎申淑鄭取成  
王堂李遇濟張至顯工曹判書李家煥副  
司直李益運洪仁浩洪義浩金熙朝李相  
璜丁若鏞抄啓文臣金近淳安廷善嚴耆  
姜浚欽李勉昇李東萬曹錫中黃基天崔  
光泰徐俊輔權駿申鳳朝申絢洪樂浚洪

奭周洪命周宋冕載尹致永柳遠鳴金處  
巖金熙洛柳台佐 景慕宮令洪樂綏金  
在明趙鎮宣判府事李秉模禮曹判書閔  
鍾顯都承旨李祖源香官趙萬元咸鏡監  
司趙宗鉉馳驛傳韻使之追賡以進生員  
金履永以摛文院齋宿日應製居首及第  
特命尾賡

奎閣銀臺玉署宣饌聯句

并小序  
○丙辰

每歲三餘之工輒課一帙之書機務雖繁  
莫或間曠近來經史子集之有選選必開



印蓋為嘉惠於來許兼欲資益於自強用  
是孜孜不知為疲乃命銀臺玉署諸臣與  
豹直騎省者考校經書句讀俛宿禁中亦  
既勞止際此奎選講製兼夜責程而宮雪  
開花座燭分蓮做煖爐會故事紫衣擎傳  
滿架穀醺帶以聯韻詩句

金華經說耀奎章紛署書聲及玉堂

直提學李晚秀檢校待教沈象奎承旨李  
鼎揆洪仁浩申耆李勉兢李肇源金啓洛  
史官洪致榮李穀采尹命烈卜台鎮馬思

人金景煥金珍恪金初燮金良倜兵曹參  
議李尚度參知丁若鏞前承旨李翼晉王  
堂趙弘鎮尹序東尹悌東洪秀晚鄭來百  
金熙采鄭東榦尹益烈抄啓文臣金近淳  
權暖李存秀徐俊輔曹錫中李勉昇柳台  
佐洪樂浚柳遠鳴金熙洛宋冕載申絢姜  
浚欽洪命周黃基天李東萬金履載金熙  
周金處巖李英發洪奭周吏曹佐郎李明  
孚兵曹正郎呂駿永閔命赫佐郎金秀臣  
奉常判官李東埴賡進



德廟五回甲戌午仲秋祗謁 敬陵行祭謹

疊 桓廟八回甲志慶聯韻奉揭齋舍

戊午

誕惟 王業所由基戊午聯成乙卯詩

領中樞府事洪樂性判中樞府事蔡濟恭  
亞獻官左議政李秉模終獻官光恩副尉  
金箕性藥房提調趙宗鉉閣臣鄭民始金  
載瓚徐龍輔鄭大容李晚秀南公轍徐榮  
輔金祖淳李始源沈象奎李存秀承旨洪  
仁浩李益運申耆李肇源別雲劒李祖源  
黃昇源趙鎮寬徐邁修兵曹判書李時秀

賀禮趙尚鎮京畿監司李在學別兼春秋  
金履永假注書洪奭周賡進

樂章

慈宮臨華城行宮進饌樂章

乙卯

嘉會屬昇平昇平今有象厥象問如何老人中天  
朗宮含飴駐我長樂春祝聖徠女華封人商春長

長樂酌斗華祝至三壽母角翼子詒孫功何巍

穰穰福祿光輝

徵

咸池鼓雲門琴玉漿璫液年年

斟

羽

長樂五章一章四句四章章二句

先唱



慈德之純厚載難名默運弘慈佑啓太平宮百祿

是道其至如川子孫振振吉慶年年商如斗之邵

如嵩之高瑤冊紀瑞春酒燕毛角於休慈德撫

茲花甲時觀于華物采匝匝徵樂此新邑謠頌戶

增維萬維億日月恒升

羽

觀華五章章四句

後唱

慈宮周甲進饌樂章

我有老萊衣萬年慶韶光宮雞人報曉籌上堂偕

元良商是日回瑞甲滿國齊祝岡角調味瓊液灑

佐肴蟠桃圓徵一酌一酌復一酌一酌萬年三萬

年羽

老萊衣五章章二句先唱

三萬年又億萬年年此日長此筵宮一願宗

國如磐石再願子孫如軒文商情話仍燕喜衆賓

來如雲角灩灩太和釀秩秩無聲樂徵慈德享

天心子孫受多福羽

萬年五章章二句後唱

致詞

慈宮周甲日致詞乙卯

華宮餘祝花甲深尊歡承壽母功隆詒孫同我




嘉賓拜獻千千

列聖御製卷之四十一











新衛部列

一